



## TE PUKAPUKA POUAKO

# TE TOI PUORO



### TE KAUPAE 1

92091 | Te whakamahi i ngā āhuetanga toi puoro kia puta ai he mahinga toi.  
(Ngā Whiwhinga: E 4)

Te Rā Tuku Aromatawai ā-Waho: Te Wāhanga 4 – Te 29 o Oketopa, 2025

# Te Whārangi Ihirangi

He Kete Manarua .....	2
<b>92091 Te whakamahi i ngā āhuetanga toi puoro kia puta ai he mahinga toi</b>	
<b>Te Tūmahi Aromatawai ā-Waho .....</b>	<b>4</b>
Ngā Tohutohu .....	4
Ngā Huānga Toi Puoro .....	4
He Whakamārama .....	4
<b>Te Paerewa Paetae .....</b>	<b>6</b>
<b>Te Tautuhinga Aromatawai ā-Waho .....</b>	<b>9</b>
Te Whakatakotoranga Aromatawai ā-Waho .....	9
Ngā Herenga Aromatawai ā-Waho .....	10
Te Motuhēhē o ngā mahi o ngā ākonga .....	10
Te Tāpaetanga me te Hāponotanga .....	11
<b>Te Mahere Aromatawai ā-Waho .....</b>	<b>12</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

He mihi ki te kaihanganga o te mahinga toi kei te uhi mua. I whakaaturia te taonga i te Ringa Toi Exhibiton 2023.  
Harding, Stella. (2023) *Tūkaiaia*. Whangārei Girls' High School.



# Te Toi Puoro

92091 Te whakamahi i ngā āhuatanga toi puoro kia puta ai he mahinga toi

(Te Kaupae 1, Ngā Whiwhinga: E 4)

Kairangi	Kaiaka	Paetae
Ka whakamahi i ngā āhuatanga toi puoro e whai tikanga ana kia puta ai he mahinga toi.	Ka whakamahi i ngā āhuatanga toi puoro e whaitake ana kia puta ai he mahinga toi.	Ka whakamahi i ngā āhuatanga toi puoro kia puta ai he mahinga toi.

# Te Tūmahi Aromatawai ā-Waho

He tauira te Tūmahi Aromatawai ā-Waho e whai ake nei hei kōwhiringa mā te Pouako. Ka whakamahia rānei, ka whakarite Tūmahi Aromatawai ā-Waho anō rānei, kei te Pouako te tikanga.

## Ngā Tohutohu

E rua ngā wāhanga o te aromatawai ā-waho nei.

**Te wāhanga tuatahi:** He rangahau me te whakaputa māramatanga ki ngā huānga toi puoro i roto i tētahi tauira puoro.

**Te wāhanga tuarua:** He waihanga, he tito rānei i tētahi tauira puoro. Ka whakamārama ai i te āhua o tō whakamahi i ngā huānga toi puoro i roto i te tauira puoro.

Ngā Huānga Toi Puoro		
Taonga Puoro	Reo	Kupu
Raupapa	Tangiata	Rangi
Manawataki	Wairua	Tairongo

### He Kōrero Āpiti:

**Te wāhanga tuatahi:**

- Me 150 kupu, neke atu rānei, te whakamārama.

**Te wāhanga tuarua:**

- Me nui ake te whā ngā huānga toi puoro ka whakamahia i roto i te titonga.
- Me 150, neke atu rānei, ngā kupu whakamārama i ngā huānga toi puoro.
- Me waiata, me taonga puoro rānei te āhua o te titonga.

## He Whakamārama

1. **Te wāhanga tuatahi:** He rangahau me te whakaputa māramatanga ki ngā huānga toi puoro i roto i tētahi tauira puoro.

- Tīpakona tētahi tauira puoro nā tētahi kaiwaiata iho pūmanawa ki a koe.
- Tūhuratia ngā huānga toi puoro o te tauira puoro, ka whakamāramatia ai, mā te 'tuhinga', mā te 'hopunga reo rānei', arā:
- Ko wai te kaitito? Nō hea ia?
- He aha te kaupapa matua o te tauira puoro i tīpakohia e koe?
- Āe rānei, kāore rānei, kei te whakamahia rānei ngā huānga toi puoro katoa?
- He aha te āhua o te whakamahi i ngā huānga toi puoro i roto i tēnei tauira puoro?
- He aha koe i pai ai, he aha rānei koe i kore ai e pai ki tēnei tauira puoro ki a koe?

**2. Te wāhanga tuarua:** He waihanga, he tito rānei i tētahi tauira puoro. Ka whakamārama ai i te āhua o tō whakamahi i ngā huānga toi puoro i roto i te tauira puoro.

Kōwhiritia tētahi kaupapa māu:

- Te whānau – hei tauira: tō kuia, tō koroua, ngā ōhākī, ngā taera, te aroha.
  - Te taiao – hei tauira: te moana, ngā manu, te hau, ngā uenuku, te whenua.
  - Ngā kare ā-roto – hei tauira: te pōuri, te koa, te hīkaka, te āmaimai, te mānukanuka, te pōnānā.
1. Tūhuratia te kaupapa i kōwhiria ai e koe. Tīpakona kia toru, neke atu rānei, ngā wāhanga, ngā tirohanga, ngā ariā rānei o te kaupapa hei wherawhera māu.
  2. Kōwaetia ngā kaupapa matua i tīpakohia ai e koe.
  3. Whakawhāititia ia kōwae ki tētahi/ētahi rerenga noa iho e whakaatu ana i te ia o ō whakaaro, o ō hiahia rānei.



# Te Paerewa Paetae

Putanga 3

<b>Aronga</b>	Toi Puoro 1.4		
<b>Ingoa</b>	Te whakamahi i ngā āhuatanga toi puoro kia puta ai he mahinga toi		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-waho
<b>Marau akoranga</b>	Te Marautanga o Aotearoa		
<b>Kokonga akoranga</b>	Toi Puoro		
<b>Mana rēhita</b>	Kua rēhitatia	<b>Te rā i mana ai</b>	Hakihea 2023
<b>Te rā e arotakengia ai</b>	Hakihea 2028	<b>Te rā i puta ai</b>	Hakihea 203

## Te Whāinga

Ko te whāinga o tēnei paerewa paetae he whakamahi i ngā āhuatanga toi puoro kia puta ai he mahinga toi.

## Paearu Paetae

<b>Paetae</b>	Hei tohu i te paetae: <ul style="list-style-type: none"> <li>• Ka whakamahi i ngā āhuatanga toi puoro kia puta ai he mahinga toi.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>• Ka whakamahi i ngā āhuatanga toi puoro e whaitake ana kia puta ai he mahinga toi.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>• Ka whakamahi i ngā āhuatanga toi puoro e whai tikanga ana kia puta ai he mahinga toi.</li> </ul>

## Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>

*Whāinga Paetae*

Ka tūhura, ka hanga, ka hanga ariā, ka whakaatu:

- i ngā horopaki o ngā tūmomo puoro me ētahi mahi e hāngai pū ana ki aua horopaki.

2 E whai ake nei ngā whakamārama mō ngā paearu paetae:

<i>Ka whakamahi i ngā āhuratanga toi puoro kia puta ai he mahinga toi.</i>	Ka kōwhiri, ka whai i ngā āhuratanga toi puoro e hāngai ana ki te horopaki.
<i>Ka whakamahi i ngā āhuratanga toi puoro e whaitake ana kia puta ai he mahinga toi.</i>	Ka kōwhiri, ka whai i ngā āhuratanga toi puoro e whaitake ana ki te horopaki.
<i>Ka whakamahi i ngā āhuratanga toi puoro e whai tikanga ana kia puta i he mahinga toi.</i>	Ka kōwhiri, ka whai i ngā āhuratanga toi puoro e whai tikanga ana ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>āhuratanga toi puoro</i>	<p>Ngā āhuratanga katoa e hāngai ana ki te mahi waihanga toi puoro, arā:</p> <ul style="list-style-type: none"> <li>• ngā ariā toi puoro pēnei me te kōrero pūrākau, te whakapapa, te aronga ā-iwi</li> <li>• ngā tukanga toi puoro pēnei me te rangahau, te whakarite, te whakamahere</li> <li>• ngā huānga toi puoro pēnei me te hā, te ūngeri, te manawataki, te rangi</li> <li>• ngā pūkenga toi puoro pēnei me te arohaehae, te arotake, te manawanui</li> <li>• ngā nuka toi puoro pēnei me te reo ngangahu, te orotahi, te kōrero whakarite.</li> </ul> <p>Ehara i te mea me mahi te katoa; ko te tikanga ia, kia kōwhiria ngā āhuratanga e hāngai ana ki te horopaki.</p>
<i>mahinga toi</i>	He mahinga toi motuhake, he kohikohinga, he taura hukihuki, he tāruatanga rānei nā te ākongā anō i waihanga.
<i>hāngai</i>	Ka kitea te hononga ki te kaupapa.

<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
<i>whai tikanga</i>	Ka āta wānangahia, ka kōtuituia kia kitea ai tōna tikanga.

4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>

5 Kuputaka

<i>āhuatanga</i>	<i>aspect, characteristic</i>
<i>ariā</i>	<i>concept, theme, idea</i>
<i>tukanga</i>	<i>process</i>
<i>huānga</i>	<i>element</i>
<i>pūkenga</i>	<i>skill</i>
<i>nuka toi</i>	<i>Māori arts feature</i>
<i>mahinga toi</i>	<i>original art work</i>
<i>hāngai</i>	<i>appropriate, connected to</i>
<i>whaitake</i>	<i>relevant, valid</i>
<i>whai tikanga</i>	<i>meaningful, purposeful</i>
<i>kohikohinga</i>	<i>series</i>
<i>tauira hukihuki</i>	<i>draft, series of drafts</i>
<i>tāruatanga</i>	<i>cover, rendition</i>

## Kōrero Whakakapinga

I whakakapingia ngā paerewa 91698-91705 e ngā paerewa 92087, 92089-92091.

## Tātari Kounga

- Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233



# Te Tautuhinga Aromatawai ā-Waho



Te Paerewa Paetae	92091
Te Ingoa o te Paerewa Paetae	Te whakamahi i ngā āhuatanga toi puoro kia puta ai he mahinga toi
Ngā whiwiringa	E 4
Te Marau	Te Marautanga o Aotearoa: <a href="#">Toi Puoro</a>
Te Wāhanga Ako	<a href="#">Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Te Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4   .avi   .mov   .m4v (<5GB)
Te Rā Tuku Aromatawai ā-Waho	Te Wāhanga 4 – Te 29 o Oketopa, 2025
Ngā Wātaka Aromatawai ā-Waho	1. <a href="#">Te Wātaka Whakamātautau 2025</a> 2. <a href="#">Te Wātaka Aromatawai ā-Waho 2025</a>

## Te Whakatakotoranga Aromatawai ā-Waho

E rua ngā wāhanga o te aromatawai ā-waho nei. Ko tā te ākonga, he rangahau i te orokohanga mai o tētahi taura puoro.

1. Ka whakaatu māramatanga ki ngā āhuatanga o ngā huānga puoro i roto i tētahi taura puoro.
2. Ka waihanga, ka whakaahua hoki i te mārama ki te hanumitanga o ngā huānga toi puoro.

Ko ngā whakautu a te ākonga ka whakaatu i ōna whakaaro e ai ki ōna māramatanga ki ngā huānga toi puoro, ki:

- ngā taonga puoro
- te rangi
- te reo
- te manawataki
- ngā kupu
- te wairua
- te raupapa
- te tangiata
- te tairongo me ētahi atu.

Ka mutu, ka whakamārama i te hononga o ngā huānga toi puoro ki tētahi taura puoro nā te ākonga i kōwhiri. Kātahi ka waihanga, ka tito rānei i tētahi taura puoro, ka whakamārama hoki i te āhua o tā te ākonga whakamahi i ngā huānga toi puoro i roto i te taura puoro.

Mā te ākonga e whiriwhiri te huarahi tuku i te aromatawai ā-waho.

1. Kia neke atu i te **150 kupu** te roa o te whakautu ā-tuhi mō te wāhanga tuatahi, ā, me nui ake i te **whā** huānga toi puoro ka whakamahia i roto i te titonga.

2. Kia neke atu i te **150 kupu** rānei te roa o te whakamārama i ngā huānga toi puoro mō te wāhanga tuarua. Mehemea ka tukuna hei whakaaturanga, hei kiriata rānei, me neke atu i te **rua meneti** te roa.

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te [Online Digital Submission Portal](#);
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmāu te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

**Hei tauira:**

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.service.centre@nzqa.govt.nz](mailto:assessment.service.centre@nzqa.govt.nz),
- waeahia rānei te NZQA Contact Centre i te 0800 687 296.

## Te Mahere Aromatawai ā-Waho

Toi Puoro 92091: Te whakamahi i ngā āhuratanga toi puoro kia puta ai he mahinga toi.

Kairangi (KR)	Kaiaka (KA)	Paetae (P)
Ka whakamahi i ngā āhuratanga toi puoro e whai tikanga ana kia puta ai he mahinga toi.	Ka whakamahi i ngā āhuratanga toi puoro e whaitake ana kia puta ai he mahinga toi.	Ka whakamahi i ngā āhuratanga toi puoro kia puta ai he mahinga toi.

### Te Taunaki i te Aromatawai ā-Waho

Kairangi	Kaiaka	Paetae
Ka whai, ka whakaputa māramatanga ki ngā huānga toi puoro, kia whai tikanga ki te horopaki.	Ka whai, ka whakaputa māramatanga ki ngā huānga toi puoro kia whai take ki te horopaki.	Ka whai, ka whakaputa māramatanga ki ngā huānga toi puoro kia hāngai ki te horopaki. <ul style="list-style-type: none"> <li>• kōrero</li> <li>• tuhi</li> <li>• whakaaturanga</li> <li>• mahi/whakamahi.</li> </ul>